


Sel Prestuhn Thomas S. Monson



Ukwe Mwet Pahluh uh

Nga kuhlwacnsap ke United States Navy ke sahflah-iyacn Mweun Ahkluo. Nga tuh seluh se, wal se e ten ke navy. Na nga fal in orwacrah sie Seluh First Class, tukun nga fal in orwacrah sie Yeoman Third Class.

Mweun Ahkluo sahflah, ac tok kughtuh nga fihlfihllac. Tuhsruhk nga oraclah sie sulacrah lah fin nga muh fohlohk nuh ke military, nga luhngse in kuhlwacnsap oacna sie commissioned officer. Nga nuhnkuh, “Wacngihn acn orek mongo okahrkahr nuh sihk, wacngihn sifil ahknwacs-nwacsye acn lucng, fin nga kuh in kahingkuhnlah.”

Tukun nga fihlfihllac ah, nga welah United States Naval Reserve. Nga som nuh ke ahkpah ke fong in Mante nuh kwewa. Nga lutlut upac tuh ngan kuh in fal in orwacrah wo. Nga eis kain in tes kuh in motkweyuck nuh kwewa: ke nuhnak, mahno, ac puhla. Sahflahiyac ah, tuhkuh sie pweng na kahto: “Kom lwelah in eis commission ke sie ohfohs ke United States Naval Reserve.”

Nga engan in ahkkahlwemye nuh sin muhtwacn kiyuck, Frances, ac fahk, “Nga oraclah! Nga oraclah!” El ruokyucwi ac fahk, “Kom orekma upac fal in eis.”

Tuhsruhk sie ma sikyak. Nga tuh pahngyak in sie mwet in kahsrh ke pisaprik ke ward luhk ah. Miting luhn kaunsucl lal pisap ah orek ke ekuh sepacna ke miting in ahkpah luhn navy luhk ah. Nga etuh lah oasr sie ma tiac fal na upac. Nga etuh lah wacngihn pacl luhk in ukwe Naval Reserve ac kunohkohn ke pisaprik luhk. Meac nga enenuh in oruh? Sie sulacrah enenuh in oreklac.

Nga pruhe kac. Na nga som in liye mukul se suc tuh

prestuhn luhn stek luhk ke nga tuh tuhlihk mukul se ah, Elder Harold B. Lee (1899–1973), ke U luhn Mwet Sap Singucul Luo met ah. Nga pihlucky ke la tepuh soko el muhta kac ah. Nga fahk nuh sel luhpan seko luhk ke commission sac. Pwacyena, nga ahkkahlwemye nuh sel sie kapi ke lwacta in ohsun se nga eis ac.

Tukun motko ke ohiyac sac ke kihtin pacl, el fahk nuh sihk, “Pa inge ma kom enenuh in oruh, Tamuhlwel Monson. Kom ac suhmuhslah sie lwacta nuh sin Bureau ke Naval Affairs ac fahk nuh seltahl lah ke srihpen pahng lom in sie mempucr ke pisaprik uh, kom koflah in eis commission se ke United States Naval Reserve an.”

Insiyuck ahsor. El fahk pac, “Na suhmuhslah nuh sin commandant luhn Naval District Ahksingucul Luo fin acn San Francisco ac fahk nuh seltahl lah kom luhngse in fihlfihllac liki reserve an.”

Nga fahk, “Elder Lee, kom tiacna etuh ke military uh. Pwacyena elos fah tulokihnyac in use nuh sihk sie commission nga fin sruhnga in eis, tuhsruhk Naval District Ahksingucul Luo fah tiacna fihliyuclac. Ke sie mweun muhtwacwacack fin acn Korea, sie noncommissioned officer fah pwacyena pahngpahngyak. Fin pahngonyuck fohlohk, nga ke fohlohk oacna sie commissioned officer, tuhsruhk nga koflah fin nga tiac eis commission se inge. Pwacye lah pa inge kaks in kahsrh kom kena nga in eis uh?”

Elder Lee el fihliyac pahol fin pihlucky ac ke sie ohiyac luhn pahpah el fahk, “Tamuhlwel Monson, eis yohk luhlhlfongi. Military uh tiac ma nuh sum.”

Nga som nuh lohman. Nga fohlohkohnwacng commission sroksroki ke sronin muhta sac nuh lun acnfolop sac wi lwacta se kac ah ac mohiyac nguhsr sacn. Na nga suhmuhslah sie lwacta nuh sin Naval District Ahksingucul Luo ac ngihstre in fihlfihllac liki Naval Reserve.

Fihlfihllac luhk liki Naval Reserve tuh wi u sahflah se ahkfahsryeyucklac met liki srolah luhn Mweun Korea ah. Headquarter luhk ah ahkfahsryeyucklac. Wik ohnkohsr tohkoh nga tuh pahngonyuck in oruh sie mwet in kahsrüh ke pisaprik, nga tuh pahngonyuck in oruh pisap ke ward luhk ah.

Ngwac tiac sruok wal luhk ke Alu uh nga sruok mihse-nge uh fin nga tiac ukwe kaks in kahsrüh luhn sie mwet pahluh, nga fuhnüh tiac pruhe ke sulaclah sac, nga fuhnüh tiac luhngkihñ sie ma pwacye yohk srihpac: lahlmwet-mwet luhn God kwacna sikyak ke lahlfon luhn mwet uh.¹ Tuhsruhk lesin yohk se emet kuht kuh in lotwelah ke moul in mahno uh pa lah ke God El sramsram ac tuhlihk Nahtuhl uh ahkos, elos fah pwacye pacl nuh kwewa.

Fwackyuck tari lah sramsram mahtuh uh eklac nuh ke ma srihsrihk, ac oacyacpac moul lasr uh. Sulaclah uh orwacalah fuhfahsryucsr uh. Tuhsruhk kuht tiac fihliyucki in tiac kahsrweyuck ke sulaclah lasr uh.

Kom fin ke liye sie kahlwem inkuhsrao, kom fin kena in puhla mokleyuck luhn God Kuhlacna, kom fin kena in eis puhla ingacn ke insiom lah Pahpah tomom Inkuhsrao El kol kom, na ukwe mwet pahluh luhn God. Ke kom ukwe mwet pahluh uh, kom fah oasr ke sie acn sef.

MWE KAHSRUH

1. Liye 1 Mwet Korint 2:14.

LUTI KE PWENG SE INGE

Tiac puhs mempucr ke Alu uh fah eis kais sie kaks in kahsrüh sin sie Mwet Sap, oacna Prestuhn Monson el oruh uh. Tuhsruhk ke kuht srwackna kuh in ahkinsewo-woyeyuck ke kuht ukwe luti luhn mwet pahluh ac mwet sap uh. Nuhnkuh in riti sramsram lal Prestuhn Monson

ke toeni luhlahp tari ah (esam pac sramsram in ikacslah ac kaliyac lal ah). Suk ke kuhtuh mwe kolyuck kuh pahng nuh ke mukwikwi. Kom kuh in sramsramkihñ ma kom lotwelah an yurin mwet kom muhtwacta yohroh an ac nuhnkuh inkacnek in kapsra kaks in kahsrüh lal Prestuhn Monson an.

MWET FUHSR

Kaks in Kahsrüh nuh ke Sulaclah Upac uh

Prestuhn Henry B. Eyring, Mwet in Kahsrüh Se Met ke Prestuhñsi Se Met, sruhmuñ ke sie pacl ke el ukwe kaks in kahsrüh luhn mwet pahluh. Ke sie pacl in toeni luhlahp ah, Prestuhn Ezra Taft Benson (1899–1994) el ahkkweye mempucr uh in kahingkihñ soemoul ke mani—yohkna soemoul ke lohman.

Prestuhn Eyring el fahk: “Nga ngwetwacng nuh sin muhtwacn kiyuck ah tukun miting sac ac siyuck, ‘Yac kom nuhnkuh tuh oasr kuhtwena ohiyac kuht kuh in oruh ohingacn?’ Pacl se met ah kuht koflah.” Tuhsruhk ke ekuh sac el nuhnkuh ke sie acn elos koflahna srihke in kuhkwackuhnlah ke yac puhs. “Kuht luhlahlfongi God ac . . . pweng luhn mwet kuhlwacnsap Lal, [oruh] kuht orwacalah sie pahng ke tacluhfon. . . . Nga lohng sie top ma ne ke pacl mihsenge uh ahkkweye luhlahlfongi luhk ke God ac mwet kuhlwacnsap Lal uh.” Ke lwen sac na sie mukul fihliyac sie nguhsr nuh ke acn luhn sucu Eyring nuh ke sie luhpah ma yohk likina molin mortgage lalos ah. Sucu Eyring ac pacl na sa wacngihñ-lac soemoul la (liye “Trust in God, Then Go and Do,” *Liahona*, Nohfuhmpuh 2010, 72–73).

Sahp kom ac kuh in tiac moli sie mortgage, tuhsruhk kaks in kahsrüh luhn mwet pahluh uh kuh in kol kom inge ac fahlac ke sulaclah upac ke orekma, lutlut, sie misin, ac ahko. Sramsramkihñ yurin sucu lom an kuh u an ke ohiyac ma kom kuh in ukwe mwet pahluh ke kom orwacalah sulaclah uh.



Ohiyacn Jisus Kraist: Wen Ahkostwen

Luhlahlfongi, Sucu, Kahsruh

Pruhe in luthutkihñ kuhfa inge ac suk in etuh ma in akacsruhi kac. Etuh mouh uh ac oruh luhn Mwet Lahngo ac ahkyohkye fuhkah kuh in luhlahlfongi lom Kacl ac ahkinsewwoye mwet kom liyacacng ke forfor luti uh? Nuh ke kuhtuh pac ma in etuh, som nuh ke reliefsociety.lds.org.

Ma inge pa sie un ip ke Pweng ke Forfor Luti ahkkahlwemye ohiyacn Mwet Lahngo.

Ukwe srihkasrak luhn Jisus Kraist ke ahkostwen ahkyohkye luhlahlfongi lasr nuh Sel. “Yac tiac kuh-twena ma in nuhnkweyuck,” Elder Jeffrey R. Holland ke U luhn Mwet Sap Singucul Luo el fahk, “lah Kraist El sulacлах ma se emet ac yohk srihpac emet in ahkuhtwelyac sifacna in kapsra nuh sin pahpah tuhmwacl—lah el luhngse el ac ahksol ac sang nuh sel oacna sie wen suhnak se el uh? . . . Ahkostwen *pa* masap se emet inkuhsrao.”¹

Ma suhmuhslah luti ke kuht eis kuhtwena mwe in sewowo sin God, ma ke ahkosyacn masap ma oreklac nuh kac (liye D&C 130:21). Kap luhn nguhsnr oreklac ke kuht fototoeni nuh sin God ke ahkostwen ac sulih kuh ke Iwacлах luhn Mwet Lahngo nuh ke mouh lasr uh.

“Ke kuht fahsr ke ahkostwen nuh ke mwe luti ac masap ke wosacuc luhn Jisus Kraist,” Elder D. Todd Christofferson ke U luhn Mwet Sap Singucul Luo el fahk, “kuht engankihn sie fahsr kalweniyuck ke mwe in sewowo uliyuckme sin God ac olwelah Lal nuh sesr. Mwe

in sewowo ingacn sang kahsruh ma kuht enenuh in mukwikwi likina in ana mukwikwi ke kuht mouhkihñ mouh uh. . . . Ahkostwen use nuh sesr karihngihnyuck wo nuh ke mouh lasr uh, kuh yohk in tuhkuh ac som, in orekma ac orwacлах.”²

Tahfweyacn Ma Suhmuhsлах

Luke 22:41–46; Doctrine and Covenants 82:10; 93:28

Ke Ma Suhmuhsлах uh

“Yac kuh ke ma luhn nguhsñ ma sikyak ke ahkostwen pac l nuh kwewa nuh ke masap uh kuh in ituckyang nuh sin siepacna mwet?” Elder David A. Bednar ke U luhn Mwet Sap Singucul Luo ah el siyuck. “Top kahlwem sac . . . pa moh.”³

Puhpuhlyuck ke muhtwacn virginsingucul pa sie srihkasrak ke mwe luti se inge. Ke nohfohn muhtwacn virginsin us lahm lalos in “osun nuh sin mwet pisrla,” limekohsr na sel-tahl lahmwetmwet ac us oil nuh ke lahm lalos ah. Ma limekohsr sahyac ah lahlfon ke srihpen “wangin oil elos us saya.”

Na sie puhsra tuhkuh ke tacfuhn fong uh: “Mwet pisrla el a tuku nge! Fahsru osun nuh sel!” Nohfohnna

virgin ah ahkolah lahm lalos ah, tuhsruhkuh virginsin lahlfon ah wacngihñ oil la. Elos fahk nuh sin virginsin lahmwetmwet ah, “Se lasr kutu oil lomtal an, mweyen lam lasr uh ac kunla.”

Virgin lahmwetmwet ah topuk, “Kut fin ac sot, na ac sufalla nuh sesr kewa. Fahla molela kutu lomtal ke nien kuka ah. Ac ke muhtwacn virginsin lahlfon ah som, mwet pihsrac sac tuhkuh ac muhtwacn lahmwetmwet ah weluhl som ac “sruhnguhtuh kauli” (Mattu 25:1–13).

MWE KAHSRUH

1. Jeffrey R. Holland, “The Will of the Father in All Things” (Brigham Young University devotional, Jacnweri 17, 1989), 4, speeches.byu.edu.
2. D. Todd Christofferson, “The Power of Covenants,” *Liahona*, Mei 2009, 21.
3. David A. Bednar, “Converted unto the Lord,” *Liahona*, Nohfuhmpuh 2012, 109.

Nuhsñkuh Ma Se Inge

Meac kuhtuh srihkasrak ke ahkostwen ke ma suhmuhslah uh?